

Թեան դասացու: Ճշմարի՞տ է այս, չգիտեմ: Բայց, յայտնի է, որ Մարկոս Անտոնիոս՝ այդ սրբապղծութեան բուն հեղինակը արժանապէս տուժեց այդ ոճիրը: Տասնեակ հազարաւոր տաճար ու յիշատակարաններ աւերող ու սըրբապղծող թուրքը եւ միլիոններով անձեռագործ մարդկային տաճարներ ոչնչացնող այս բթամիտ ու վայրադ ցեղը մի՞թէ անպատիժ պիտի մնայ... Չգիտեմ: Անգորայից գործակալներ են հասած Հռոմ, սրա նոր ողջոյնի արժէքը հասկնալու...

Ու կարդում եմ վերստին. —

Armenis ... devictis ... — «հայերը պարտուած»: Կարդում եմ, եւ իմ մեծ նախնեաց այս պարտութիւնից բնաւ չեմ կարմըրում, վասնզի մեր առջեւ Հռոմն էր, որ երբեք չէր յաղթուել: Եւ յետոյ այս ձախողանքի մէջ մենք բախտակից ունինք ահեղագոր պարթեւներին ու յաւէտ կատաղի գերմանացիներին:

Եւ ինչո՞ւ միայն սրանք. բրիտանական կղզիներից եւ Սպանիայից մինչեւ Պարսկաստան, Միջագետք եւ Արարիա եւ Միջերկրականի շուրջը թառող բոլոր ազգերից ո՞րը դիմացաւ Հռոմի զօրութեան: Ո՞րը իր մէջքը չծռեց նրա լեզուներին եւ օրէնքի առջեւ: Այսօրուայ նոյնիսկ մեծ ազգերից ո՞րը չի ճաշակել Հռոմի տիրապետութեան խստութիւնը: Սրանք ամէնքը անխտիր, ամէնքն իրենց հերթին դարեր շարունակ Կեսարների երկվարների ոտներէ փոշին շնչեցին եւ նրանց սմբակների ծանրութիւնը զգացին իրենց թիկունքին: Եւ քանի՞ քանիսն իրենց իշխաններից via Sacra-ով չղթալակապ անցան յաղթական զօրավարների թափօրին շուք տուին ու գնացին կապիտոլիան Զեւսին տաճարում զոհուելու: Հազարներով դալլեր, գերմաններ, բրիտանացիք՝ դարերի ընթացքին Հռոմի կրկէսներում՝ բարբարոսներին համահաւասար ծառայեցին ամբողջ զուարճացնելու: Քիչ անդին մենք կը տեսնենք որ նոյն օրերում «թուով յոյժ ածու» Հայաստանը իր հայրենի սրբազան Արաքս գետի պէս միշտ էլ «կամընկէց» մնաց, անգամ Հռոմի խորտակիչ, տիեզերական զօրութեան յանդիման:

Բ.

ԿԱՆԽԱԺԱՄ ՃԱԿԱՏԱԳՐԱԿԱՆ ՀԱՆԴԻՊՈՒՄ

Արդարեւ Հայաստանը հեշտութեամբ չծռեց իր գլուխը Հռոմի առջեւ: Այս «գերագոյն պատերազմը» ամենից աւելի պատշաճ էր Հայաստանի յանդուգն ու յամառ դիմադրութեանը: Հակառակ այն միանգամայն բացառիկ եւ անհաւասար պայմաններին, որոնց մէջ կատարուեց այդ բախումը՝ հէնց սկիզբից ի վեր:

Հռոմը դէպի Մերձաւոր Արեւելք ու Հայաստան շարժուեց իր պետական, ռազմական ու քաղաքական զարգացման լիակատար հասունութեան շրջանին, երբ այսօրուայ գրեթէ ողջ քաղաքակիրթ Արեւմուտքը, ինչպէս ասացինք, վաղուց հեռէ կորացել էր նրա սրի եւ օրէնքի տակ: Նա հաղար տարուայ ռազմական փառք ու փորձ ունէր: Հելլագայի զինուորական եւ քաղաքական օրինակելի մեթոտները իւրացրել եւ սքանչելիօրէն կիրառել գիտէր: Այդ օրերի զինուորական արուեստի վերջին խօսքը գիտէր եւ իր բանակը — թէկուզ վարձկան — սիրում էր իր պատերազմի գործը, ուր փառքից աւելի՝ շահ ու թալանի, հեշտ հարստանալու յոյսը՝ շատ յաճախ էր արդարանում:

Այսպիսով Ա. դարում (ն.թ.) Հռոմի թիկունքը շատ հանդիստ էր դէպի Արեւելք արչաւանքի համար, քանի որ Արեւմուտքը բազմաթիւ ցնցումներից յետոյ արդէն հանդարտուել էր: Եւ Արեւելքի բանակի հրամանատարութեան շուրջը, ամէն անգամ ահագին պայքար կար միշտ՝ յայտնի զօրավարների մէջ:

Այսպէս, Լուկուլլոս, Պոմպէոս, Կրասոս, Մարկոս Անտոնիոս՝ իւրաքանչիւրն իր հերթին ստիպուած էին Հռոմում մեծ խոչընդոտների յաղթել, շատ մեքենայութիւնների դիմել, դաւերից անցնել Արեւելքի բանակի հրամանատարութիւնը ձեռք ձգելու համար: Յաղթանակն այնտեղ թոււմ էր հեշտ ու փառքն ապահով: Եւ յետոյ, ողջ Փոքր Ասիան՝ իր հարստութեամբ ու ճոխութեամբ աւետեաց երկրի պէս գրաւիչ էր: Արդէն Հռոմի բոլոր արչաւանքների մէջ առաջնակարգ տեղ էր բռնում ոսկու